

Na osnovu čl. 8., 9., 11. i 17. Odluke o proširenom obimu prava za korištenje medicinskih sredstava i lijekova za ratne vojne invalide sa područja Kantona Sarajevo („Službene novine Kantona Sarajevo“, br. 13/04, 11/06, 16/11, 38/18) i člana 2. st. 2. i 3. Pravilnika o kontroli propisivanja, izrade, isporuke, preuzimanja i korištenja medicinskih sredstava („Službene novine Kantona Sarajevo“, broj 53/18), Ministarstvo zdravstva Kantona Sarajevo, raspisuje:

JAVNI POZIV

specijaliziranim trgovinama za promet medicinskim sredstvima na malo sa područja Kantona Sarajevo za dostavljanje prijava za zaključenje ugovora o isporuci medicinskih sredstava

I PREDMET UGOVARANJA

Predmet ugovaranja je zaključivanje ugovora između Ministarstva zdravstva Kantona Sarajevo i specijaliziranih trgovina medicinskim sredstvima na malo sa područja Kantona Sarajevo koje vrše izdavanje, isporuku i izrađivanje medicinskih sredstava za potrebe RVI i RVI paraplegičara Kantona Sarajevo, a koje se mogu propisivati i izdavati na teret sredstava Ministarstva zdravstva Kantona Sarajevo.

II PRAVO NA ZAKLJUČIVANJE UGOVORNOG ODNOSA

Pravo na zaključivanje ugovornog odnosa imaju sve specijalizirane trgovine medicinskim sredstvima na malo sa područja Kantona Sarajevo koje posjeduju važeće rješenje Ministarstva zdravstva Kantona Sarajevo o ispunjavanju uvjeta prostora, kadra i opreme za promet medicinskim sredstvima na malo, a koje je izdato u skladu sa Zakonom o apotekarskoj djelatnosti („Službene novine Federacije BiH“, broj 40/10) i Pravilnikom o bližim uvjetima prostora, opreme i kadra za specijalizirane trgovine za promet medicinskim sredstvima na malo („Službene novine Federacije BiH“, broj 41/12).

III SADRŽAJ PRIJAVE

Prijava treba sadržavati:

1. Naziv i tačnu adresu specijalizirane trgovine medicinskim sredstvima na malo, broj telefona i faksa, e-mail adresu, radno vrijeme, te podatak o odgovornoj osobi za rad specijalizirane trgovine medicinskim sredstvima na malo, kao i podatke o ovlaštenoj osobi za zastupanje;

2. Popis poslovnih/organizacionih jedinica s adresama i brojevima telefona i podacima o odgovornim osobama za rad (ukoliko ima više poslovnih/organizacionih jedinica);

3. Rješenje Agencije za lijekove i medicinska sredstva BiH o upisu medicinskog sredstva u registar medicinskih sredstava ili stručno mišljenje ALMBiH-a da medicinsko sredstvo nije medicinsko sredstvo te da ne podliježe registraciji;

4. Uvjerenje o poreznoj registraciji – identifikacijski broj;

5. Uvjerenje Poreske uprave o izmirenim poreskim obavezama i doprinosima za PIO, zdravstveno osiguranje i osiguranje za slučaj nezaposlenosti za uposlene radnike (ne starije od tri mjeseca);

6. Popunjeni obrasci – izjave potpisane i ovjerene od strane ovlaštene osobe da će:

- specijalizirana trgovina medicinskim sredstvima na malo medicinska sredstva isporučivati u roku od 15 dana od dana preuzimanja potvrde o odobrenju nabavke medicinskog sredstva od strane korisnika, a za pomagala koja se izrađuju po mjeri, u roku od 45 dana od dana preuzimanja potvrde od strane korisnika potvrde,

- specijalizirana trgovina medicinskim sredstvima na malo medicinska sredstva isporučivati od materijala i karakteristika definisanih u Odluci o proširenom obimu prava za korištenje medicinskih sredstava i lijekova za ratne vojne invalide sa područja Kantona Sarajevo,

- specijalizirana trgovina medicinskim sredstvima na malo Ministarstvu zdravstva Kantona Sarajevo dostavljati fakturu o isporučenom medicinskom sredstvu u roku od 30 dana od dana isporuke medicinskog sredstva, kao i obrazac Potvrde o isporuci medicinskog sredstva,

- specijalizirana trgovina medicinskim sredstvima na malo pružati usluge servisiranja medicinskih sredstava u okviru datog garantnog roka za određeno medicinsko sredstvo.

Sva tražena dokumentacija treba biti dostavljena u originalu ili kao ovjerena kopija ne starija od šest mjeseci.

IV DOSTAVLJANJE PRIJAVE

Prijavu dostaviti lično ili poštom preporučeno, u zatvorenoj koverti sa naznakom „PRIJAVA NA JAVNI POZIV SPECIJALIZIRANIM TRGOVINAMA ZA PROMET MEDICINSKIM SREDSTVIMA NA MALO SA PODRUČJA KANTONA SARAJEVO ZA DOSTAVLJANJE PRIJAVA ZA ZAKLJUČENJE UGOVORA O ISPORUCI MEDICINSKIH SREDSTAVA – NE OTVARAJ”, na slijedeću adresu: Ministarstvo zdravstva Kantona Sarajevo, ul. Reisa Džemaludina Čauševića br. 1, Sarajevo

V ROK ZA DOSTAVU PRIJAVE

Rok za dostavu prijave je 15 dana od dana objavljivanja Javnog poziva na web stranici Ministarstva zdravstva Kantona Sarajevo <http://mz.ks.gov.ba>

Sve specijalizirane trgovine medicinskim sredstvima na malo sa područja Kantona Sarajevo koje dostave dokumentaciju traženu ovim Javnim pozivom biće blagovremeno obavještene o datumu i mjestu potpisivanja ugovora sa Ministarstvom zdravstva Kantona Sarajevo.

Registirane specijalizirane trgovine medicinskim sredstvima na malo sa područja Kantona Sarajevo koje ne dostave dokumentaciju traženu ovim Javnim pozivom, odnosno čija prijava bude neblagovremena, ili se ne prijave na ovaj Javni poziv neće moći zaključiti ugovor o isporuci medicinskih sredstava sa Ministarstvom zdravstva Kantona Sarajevo, a time ni ostvariti poslovnu saradnju sa ovim ministarstvom.

MINISTRICA
Prof. dr sci. med. Amela Sofić s.r.